

國家圖書館藏歷史檔案文獻叢刊

國家圖書館藏

清代孤本外交檔案

第10冊

全國圖書館文獻縮微複製中心

國家圖書館藏歷史檔案文獻叢刊

國家圖書館藏

清代孤本外交檔案

第10冊

全國圖書館文獻縮微復制中心

秘魯國招工案

七月初二日兩廣總督劉坤一函稱竊照美國
續增條約及秘魯國條約內均載明除兩國
民人自願往來居住外別有招致之法均非
所准秘國條約又聲明現經嚴行禁止不准
在各口岸勉強誘騙中國人運載出洋違者
其人各照本國例嚴行懲治至所載運之船
一併按例罰辦等因是該各國不許來華招
工已有明文又恐陽避招工之名陰踏招工
之實多方誘騙使入牢籠故申明別有招致

之法均非所准立意極為詳明亦極嚴密乃
美國領事林幹於上年十一月十六日伸陳
請出告示曉諭地方現有該國同孚洋行輪
船與秘國立約凡有由秘國朝廷資遣華工
回粵者均由該行輪船裝載送回並請告示
內聲明秘國各埠易於覓工其工價甚高等
語坤一當經劄覆同孚洋行輪船裝送秘國
華工回華自係善舉惟曉諭地方謂秘國各
埠易於覓工工價甚高等語近於設法招致

有礙條約未便照准在案茲於本年四月初
六日該領事與秘國愛公使勒謨爾一同來
署據稱此次由本國坐同孚洋行輪船來粵
順道拜望不日便須北上囑為函致中國出
使秘魯等處大臣陳約於上海與該公使面
晤坤一尚未往該公使寓所答拜忽於四月

初九日據番禺縣及保甲局員面稟在於城
外珠光里查出招工館一所內有華工數十
名當經全數拏獲訊據包頭包攬洋行招工
事務者粵東謂

之包 頭 曾維邦等供稱同孚洋行買辦陸富成
即陸祥元領有洋行本錢在外招工前往秘
國議明水腳洋銀七十五元由該洋行墊出
俟到秘魯當工得有工價扣還該各華工到
秘魯堂每月可得工價數十元等語並據各
華工供亦相符惟稱曾維邦來招工云有地
方官點名上船以為有法保護今始知為官
所不准當堂出具不願出洋切結存案正在
核辦間美國領事林幹來見面稱不該拏各

華人該洋行此次招工係照條約辦理坤一
即答以條約聲明別有招致之法均非所准
何得尚稱許其招工該領事則謂此兩句與
所配英文不符又謂十六條內聲明各國利
益之事秘國得以一律均沾何以獨不許該
國招工坤一復答以此等緊要之語英文斷
無不符無難繙譯即准招工之國亦應照通
行之二十二款委派中外委員設局開辦不
能私派包頭私行設館况該秘國不准招工

已有專條豈有抹煞專條而援引利益均沾之言含糊辦理該領事無理混爭嘵嘵不服迨回署後又具伸陳前來且謂番禺縣覆審之時曾派美國副領事往聽口供與該縣開呈_{坤一}處供摺有數要款不同_{坤一}即駁以當日該縣覆審該國副領事及繙譯官在傍同聽並無異言何得於事後瀆辯因又札委廣州府會同柏稅務司再行覆訊隨據該府及稅務司稟覆申呈訊過各華民供詞均與

前供無異其包頭曾維邦則供係同孚洋行

羽毡陸富成

粵省謂與洋行管理貿易者為羽毡

商同同孚洋

行買辦雇伊專理招尋出洋工人事務當飭

將被誘之華民四十二名先行省釋曾維邦

仍行管押一面劄行領事飭令同孚洋行將

陸富成解質迄今未據解到亦無隻字伸覆

坤一

嗣往該領事衙門答拜愛公使復與該

領事辯論多時又與海關稅務司柏卓安再

三開導該領事頗知錯誤以後伸陳則稱搭

客而不認招工坤一知其計圖影射遂札稅務司與各委員於同孚洋行各輪船出口之時設法稽查並飭做照赫總稅司辦理秘國帆船前在汕頭搭客章程令各出洋華民來關報名聽候查問是否情願出洋是否自出水腳是否知所往地方將來到秘國後或做此事或做彼事或在此處或在彼處或願回華是否得以自由自主如與章程相符則由同孚洋行出具切結存案以便將來寄往出

使秘國大臣及中國所設領事官稽查該領
事仍欲將各出洋華人由同孚洋行齊集帶
來查問蓋欲先教定口供也五月初三日稅
務司與各委員在海關公所查問出洋華民
之時愛公使及美領事余繙譯並與美國兵
船員弁多人闖入海關公所欲即在座同聽
意在脅制使稅司委員不敢細問該華民亦
不敢供吐實情該稅司語以應否准該公使
等同聽必須請示於坤一未敢擅專該公使

領事憤憤不平竟將各華民帶回同孚洋行
隨以伸陳來請經坤一嚴行駁斥初四日愛
公使美領事與兵船各員弁來署往復辯論
逾時之久並諭以此項不准招工條約係愛
公使與總署及李伯相所議甫經定局便不
肯遵欲以搭客影射招工中外耳目甚衆不
能欺人不惟地方官與該領事該洋行有礙
即愛公使北上亦無顏以對總署及李伯相
該公使等默然以去至初六日稅司委員在

海關公所傳問出洋華民始無洋官前來是日問過四十餘名內有鄧標等七名則稱被人如何招誘現在省悟不願出洋當將船票繳還查閱票內有付清水腳之語試思此等窮民安有數十金之水腳付給如果係該華民自行付給合既不願出洋自必討還何以竟無一語擲票而去其為該洋行串通本地奸民視為奇貨代發水腳招誘出洋以便將該華民販賣取償自可想見並有鄧標等七

人供詞足憑此七人如此其餘亦可類推即使該洋行出具華民得以自由自主切結而寄命數萬里外且散在各埠無論中國官不能過問即將來出使領事前往秘國亦覺耳目難周該洋行固計之熟矣否則何肯自耗巨款為此漫無把握之事查秘國來華招工原有厲禁况以搭客影射尤屬漫無防範流弊不可勝言並恐古巴等處相率效尤勢將無所底止不得不將此案認真追究以警其

餘查赫總稅司所議辦理汕頭秘船搭客一案內有如到船後查出一人承工係以搭客影射者即將全船華民提出等語雖經聲明一時辦理未為永遠章程第當時既經尊處照會愛公使閱核稱為公道此次自可援照辦理現經飭令稅務司將該輪船華客盡數提出不准出洋並照條約將該輪船罰辦以昭炯戒乃該領事尚以阻撓該國貿易為言且以賠償守候費用等詞相脅實出情理之

外如果照約罰辦該領事未必肯遵更難保
不逞其譎妄之詞令該國公使前來尊處曉
諭是以謹將本案詳細情形密陳鈞聽並鈔
錄全案一併附呈伏祈鈞覽示遵是所至禱
謹此肅布敬請崇安伏惟垂鑒

謹再肅者本月十四日二點半鐘秘國愛公
使一人帶同美國余繙譯來署將同孚洋行
招工一事往復辯論至七點半鐘始去該公
使初從大處立說謂彼此均是大員遇有交